


BIBLIOTEKA

Zakl. Nar. im. Ossolińskich


XVI

581



Amund
1777

v: • Jernsholm





SIMONIS SIMONIDÆ
HERCVLES
PRODICEVS

AD
THOMAM ZAMOSCIVM
MAGNI IOANNIS F.



ZAMOSCI

Martinus Lenscius Academ. Typogr.
excudebat. M. DC, II.

15.508



XVII-584-III

PETRVS CIEKLINIVS
THOMÆ ZAMOSCIO

S. D.

EXcessisse te ex incunabulis, & bonarum disciplinarum doctoribus traditum esse, magna cum voluptate audiui. diem enim hunc, quod id ingressus es, non minus salutarem tibi existimo, quàm natalem ipsum. is enim efficiet, vt vitam quam à natura accepisti, cum honestate transigas: sine qua, nec illa vitalis est, & hominem à pecude vix discernit. Gratulari tibi multis, fortuna tua in excelsis posita, & patris tui summa de te cura, non permittit: mihi vt gratuler, atq; adeò gaudeam, ob animum meum vobis deuotissimū planè debeo. siquidem DEVS ea felicitate me compotiauit, vt tuam diuinā indolem, tanto patri succrescentem videam. Ex more clientum aliquid vsurpauero, qui natales patronorum munusculis solebant exornare: itidem vt natalem hunc tuum litterarium, munere litterario celebrem habeam. Atq; eius ergo adfero ad te, clientis familiæ vestræ Simonis Simonidæ carmen tibi scriptum.

cohortatiunculæ est non nihil. imò ista ipsa sunt,
quæ tibi nunc ex Xenophonte de Hercule tra-
duntur Latinis numeris inclusa: si fortè Græcæ
linguæ primordia molestiam tibi pariant, vt istis
Musarum scitamentis detergas. Ea est modestia
Simonides, aut potiùs ita est rerum suarum par-
cus promus, vt vix sperem, ista vnquam ab illo
tibi oblatum iri. in manus meas postquam deue-
nêre, nolui committere, vt tam bello carmine
diutiùs careres. Addidi præterea aliud alterius no-
tæ, quod duos ante annos ad te scriptū, scio non-
dum tibi exhibitum esse. Ætatulæ tuæ fortunam
vide, quæ propè in cunis præconem laudum in-
uenit. Frustrari de te expectationem omnium
mortalium non debes. Bene vale. Ex prædio ve-
stro Zamchano Kal. Octob. Anno M. DC. II.

SIMONIS SIMONIDÆ
H E R C V L E S
P R O D I C E V S.

A D

T H O M A M Z A M O S C I V M
M A G N I I O A N N I S F.

A Lcidē mihi Musa refer, nō quantus in Hydrā,
Non quantusq₃ ierat sternere Geryonem.
Ed qualis modò decursis puerilibus annis,
Ætatis primo in limine constiterat.
Imberbes quandò iuuenes, custode remoto,
Jam propriis gaudent se regere imperiis.
nq₃ viam vitæ cursu nituntur anhelò,
Atq₃ sui præbent non dubium indicium.
Ardua virtutis num se in penetralia mittant.
Num fluxo in vitium se impete præcipitent.
Irgò ancepsq_{ue} sui, trepidusq₃ errore iuuenta,
Desertis solus sederat vsque locis.
Multa putans animo, multùm ratione vagatus.
Virtutis ne alta poneret arce gradum.
An vaga multiplici quā se via tramite fundit,
Vaderet ignauas carpere delicias.

Fnq₃

Inq₃ voluptatum miseris se mergeret undis.

Quà rapidus vortex pectora lenta vorat.
Hæc alternanti, dubiaq₃ in mente frementi,

Apparent gemina, numina magna, Deæ.
Fre simul, visaq₃ pari vestigia gressu
Proferre, Et iam iam non nimis esse procul.

Altera nativo formæ præsignis honore,

Et vultu, Et toto libera sponte animo.

Mundiciem membris referens, oculisq₃ pudorem.

In castigatis conspicienda bonis.

Finxerat Et placidos paccata modestia gestus.

Fluxerat inq₃ imum candida palla pedem.

Ast aliam tenera nutriuerat arte sagina,

Lacteaq₃ in toto corpore mollicies.

Quæsitusq₃ ori color, Et pigmenta reperta.

Nec facies constans, nec lepor ingenuus.

Sed fallaxq₃ nimis candor, fallaxq₃ nitebat

In cerusatis purpura fusa genis.

Membrorumq₃ modus surgens procerior equo.

Incessusq₃ fluens, perspicuumq₃ latus.

Ast oculi nunc huc volucres nunc protinus illuc.

Et vestis nudis facta Cupidinibus.

Quæ mage lasciuæ radiaret lumina formæ.

Et transparentes nequitias faceret.

Tum se sollicito lustrabat sedula visu.

Ornatusq; ibat cernere sæpè suos.

nq; alios limis aciem vertebat ocellis.

Ecquis in illam avidus lumina conijceret.

Non rarò affixam pone aspèctabat ad umbram.

Se se perpendens illius ad modulos.

Pòstquàm prospectum iuuenis venère sub ipsum.

Proximiorq; loci constitit esse via.

Non celerare gradum, non immutare tenorem

Dina prior, studio nec trepidare auido.

Volat interea, & gradientem præterit illam

Altera, sermonisq; occupat officium.

Atq; ait. ô iuuenum fortunatissime, frustra

Frustrà animum curis conficis ipse tuum.

Frustrà suspensam crucias formidine mentem.

Non opus est vobis consilio ambiguo.

Nec tibi sollicitæ querenda est orbita vitæ.

Nec labor instandus, nec via dura nimis.

Me tibi si sociam, tibi me si sumis amicam.

Ipsa dabo cursus, ipsa regamq; pedes.

Ipsa ego deducam te inter latissima tempe,

Inter delicias luxuriamq; loci.

Quicquid iucundum, quicquid formosius usquã est.

Non pergustatum nil tibi prætereat.

AST

*Ast quicquid durum, quicquid rigidumq; ferumq;
Immunem te horum degere constituam.
Principiò tibi bellorum non ingruet horror.
Non adimet somni munera rauca tuba.
Non rerum nimio pressabit pondere moles.
Nil tibi cum curis, nil tibi cum strepitu.
Unica sola tibi tantùm dulcissima cura.
Ut letus lato cuncta feras genio.
Obsonj sine insignis se proferet usquam
Gloria, prompta gula seruiet illa tua.
Pocula seu blandum crescent superantia nectar.
His cupies mensas exhilarare tuas.
Nec solùm inuentis utebere, lautior ipse
Inuenies, quæ te sumere non pigeat.
Quæq; oculos satiare solent, quæq; ire per aures.
Quisquis odor narem suauius insinuat.
Gaudia quæq; manũ tangunt, quæq; omnibus hæren.
Membris, peruolat quisquis ubiq; lepor.
Floriferis ut apes in saltibus omnia libant.
Sic tu decerpes omnia grata animo.
Te sibi formosa cupient prensare puella.
Perfacilem te illis tu quoq; nempe dabis.
Te sibi tuta quies, gremio te somnus amico,
Te pluma molli gestiet accipere.*

*Atq; ea ne multo veniant tibi parta labore
Deuota, hoc unum strenuus aduigilans.
Nec tibi conuellant mentem matus angor habendi.
Nec queras, unde hæc suppeditare queant.
Non metus, haud ullo poteris tu tempore egere.*

*Nec miseras sudans accumulabis opes.
Non mare tentabis ratibus, non vomere terram
Scindes, non fessus corpore, non animo.
Sed quæ alij sine fine parant, sine fine recondunt.
Hæc tua sunt, his tu iure fruare bonis.*

*Nil sacrum iubeo esse tibi, nihil esse profanum.
Quoslibet apta manus conuolet in loculos.
Et quocunq; penû spes fulserit alma lucelli.
Hanc rape non tardus, cætera lentus age.*

*Namq; meos ista deuinxi lege sodales.
Quod libitum cuiquam est, ut liceatq; simul.
Liberaq; omnigeni permissa licentia quæstus.
Utile sit tantum, turpe nefasq; nihil.*

*Talia dicentem iamdudum obtutibus Heros
Aduersis, tacito & lumine peruolitat.
Tandem pauca rogat. quo te Dea semine cretam
Esse rear! famam nominis ede tui.*

*Illa sub hæc, paullum verbis & mente morata.
Oiuuenis, non mî nominis unus honos.*

Ex animo me quisq̃ suo fingitq̃ vocatq̃.

*Sum bona, sum felix, sum mala, sum misera.
Felicem dicunt socij, dicuntq̃ beatam.*

*Et præsens numen me mea turba colit.
Infelicem alij dicunt, dicuntq̃ malignam.*

*His petor ex odio scilicet opprobrijs.
Quisquis amicus erit, gnauam laudatq̃ probatq̃.
Deminuit famam, quisquis acerbus erit.*

*His interuenit dictis tandem altera Diua.
Et tales leni protulit ore sonos.*

*Alcida generose, etenim iam nomen, & ingens
Fama tua, in nostris auribus increbuit.*

*Det veniam, quacunq̃ prior properauit adire.
Sermoni nostro det facilemq̃ locum.*

*Et nobis studium esse tui curamq̃ putato.
Et te conuentum me bona causa monet.*

*Ipsa ego te noui, quo sis genitore profectus.
Noui ego, quæis auum duxeris in studijs.*

Ingenijq̃ tui patuit mihi libera vena.

*Quamq̃ geras mentem, quosq̃ geras animos.
Hinc spes constantes, hinc mî fiducia de te.*

*Hinc de te noctes maceror atq̃ dies.
Si te fortè meis socium secessibus addas.*

Seu dux ire via, seu velis ire comes.

(Te fore,

*Te fore, qui magnum factis ingentibus orbem,
Te fore, qui calum, qui maria exuperes.*

Nec tibi gestorum cumulo certauerit alter.

Seu tractes pacem, seu fera bella geras.

Ipsa ego te propter longè sublimior ibo.

Audeboq; astris ferre caput propius.

Cætibus inq; virum maiora mea gloria surget.

Tum Divam me omnes, tum Dominamq; ferent.

Nec te blandiloquis ductabo garrula verbis.

Nec dabo suadendi mollia principia.

Quam vitam Deus, & simplex natura paravit,

Quam legem rebus, quam faciem imposuit.

Hanc referam, & dempta caligine singula promam.

Singula nuda tibi, singula vera tibi.

Omnia quæ toto visuntur commoda mundo.

Quicquid honestum usquã, quicquid ubiq; bonum.

Nil venit inuictum mortalibus absq; labore.

Cuncta labore cati dantq; locantq; Dij.

Sudandum, contendendum, cura alta voranda.

His veniunt magnis dona opere precijs.

Seu cupies superum tibi delinire favorem.

Cura erit, ut superos cum pietate colas.

Vivere seu caris quæres iucundus amicis.

Candida ab officijs crescit amicitia.

Sine voles, ut te populi venerentur & vrbes.

Urbibus & populis commodus esse velis.

Sen posces, quem mox patria admiretur & Hellas.

Claris in patriam promeritis vigeas.

Frugibus ut tellus, pecore ut sint pascua lata.

Curandum pecus est, estq³ colendus ager.

Si tibi bellorum veniat non parua cupido.

Ciues ut serues, hostibus ut noceas.

Durum Martis opus, multa impendenda magistris

Militiae cura est, multa ferenda animo.

Magna artes ediscenda, nec mitior usus.

Usu artes constant, usus ab arte venit.

Corporis & vires valido firmantur ab usu.

Præstò ut sint rigida mentis ad obsequium.

Et simul algorem, simul & perferre calorem

Sint dociles, labor & quicquid anhelus amat.

Non tulit hortantē impatiens Dina improba plura.

Atq³ interpellans feruida verba dedit.

O puer, ô tenere florem modò nocte iuuenta.

Sentis, quò sermo te isle proteruus agat !

Saxa inter prærupta, interq³ horrentia te squa.

Quò pes, quò nunquam semita pressa solo.

Non ulla apparent posite vestigia plantæ.

Tota remota via est, aspera tota via est.

Talia

Talia vix vita constant solatia vite.

Carpenda illa brevis, neue terenda nimis.

Quid iuvat insano tantum indulgere labori?

Quod queras brevius, quodq₃ habeas melius.

Viuas dum vivis, reseces spem, diffluit etas.

Sis letus paucis. me duce letus eris.

Me duce paccata incedes regione viarum.

Me duce fortuna te in gremium referes.

Tum Virtus. ô te miseram, nimiumq₃ supinam.

O falsis lusam semper imaginibus.

Tu ne boni quicquã, aut leti, quicquãme venusti,

Tum habeas, possis dicere quod volupe?

Cum te omnis fugiat solertia, cum tibi pensi

Sit nihil, & minimum vix moveas digitum.

Ipse etiam se gaudet enim sudore voluptas.

Ipse etiam curis pascitur & studijs.

Quam tu nec voto, iustone cupidine captas.

Nec desiderio das spatium usq₃ suo.

Quin fartumq₃ facis, plenoq₃ abdomine turges.

Et misera sensus ingluvie anticipas.

Mensa tibi ante famem, ante sitim carchesia plena.

Et saturata voras, & tenulenta bibis.

Utq₃ cibi sordem possint reuocare palatum.

Blandius & subeat gutturis esca moras.



Omnia

*Omnia vexantur latè fora, turba còcorum
Peruigilat, solum hoc ducitur artis opus.
Nec reperire merum leuior labor, acrius illud,
Mitius hoc, istud lene ciere sitim.
Scilicet hesternum ut fallant noua pocula Bachum,
Dum crudus lento nauseat instomacho.
Queritur æstinas si quis glaciesq; nivesq;
Mons celat, si quo fonte rigescit aqua.
His tu pratepidos infringis nectaris ignes.
Hic illex, ne sis sobria, sæpe monet.
Utq; suis somnus te suauius implicet alis.
Quo non puluillo, quoue tapete cubas?
Lectulus exstruitur mollissimus, illius oram
Umbella, & circum nimbus opacat hians.
Ipsa etiam fulmenta parant lenire quietem.
Et se substrati margine subiiciunt.
His tu tormentis requiem petis, hac tibi somnum
Et male tutantur, nec bene conciliant.
Defessus meritum donat natura soporem.
Ut recreet vires, utq; labore leuet.
Non tibi causa huius tam seria, sed quia nulli
Inuigilas factò, nil agitasq; rei.
Ignaua ut fallas languentia tedia vitæ,
Sæpius in somnum te sepelire cupis.*

Quid

*Quid Venerem laudem? Veneris tu premia noris?
Inuit am quam tu sollicitas temerè.
Et petis incassum torpentia gaudia frustra.
Nam vi, nam praecox, nam petis ante diem.
Nil hic profuerit Circaeis artibus uti.
Quae moderata iuuant, immoderata nocent.
Querere nec formas, oculos nec pascere inertes.
Hic quoq; languentem proijce desidiam.
Tunc gubernatrix, tu sancta magistra iuuenta?
Tu cui committi libera frena queant!
Indefessa tuos quae noctibus uris alumnos.
Uris, & in quæuis prostituis scelera.
Mox somno absumis potio rem lucis honorem.
Et spoliās vitam commodiore die.
Te Pater omnipotens Dijs immortalibus unam
Addiderat, cælo tu quoq; iura dabas.
Sed te idem Pater omnipotens eiecit Olympo.
Dixitq; indignam moribus æthereis.
Nec cætus celebrare hominum tibi tuta potestas.
Nec caput in populo vertere conspicuum.
Te damnare senes, te spernere turba laborat.
Te vir, te mulier, quæ sapit, improperat.
Laus tua purgatam nunquam tibi transijt aurem.
Vera laude nihil dulcius aure sonat.*

Non

*Non opere in proprio satiaſti lumina amica.
Nil oculis proprio pulchrius eſt opere.
Mendacem nouère omnes, iurata vel olim
Affirmes, ſurdis dixeris auriculis.
Sine opis indigeas, & te mala damna fatigent.
Clamoſiſque voces ſletibus auxilium.
Nemo impertiri, nemo te tollere curet.
Deſtituant omnes, deſpiciantque palàm.
Imprudens ſi fortè aliquis tua iuſſa ſequatur.
Namque ſciens nemo ſe tibi dediderit.
Qui te, quique tuos mores pernouerit ante.
Nemo adco præceps, nemo ſui hoſtis erit.
Tu iuuenum florem luſtris depaſta malignis,
Efficis, ut fracti tabida membra trahant.
Aut miſeri ante diem fato rapiantur acerbo.
Aut ſenij metas protinus inueniant.
Tum vanosque ſenes videas, deliraque corda,
Fundere tum cano ſtultitias capite.
Nam quid agant? quos conuulſit felicior ætas.
Nec labor inſtruxit, nec bona mens aluit.
Ergò ſquallentes, feſſique, ignauius æuum
Nec benè componunt, nec benè conficiunt.
Ingeminat dolor, & labor, & fedèſſima vita,
Et pudor intentat turpius opprobrium.*

Quæ fecêre horrent, & commeminisse verentur.

Occurrunt vultu damna recepta truci.

Nec scire malum licet, aut noua condere sæcla.

Serûmq; incipere est, & malè cepta grauant.

Quod gratum, quod lene fuit, florentibus annis

Permissum, & vires futilis aura tulit.

Ætatem in tardam seruata asperrima rerum.

Et gemit innumeris pressa senectâ malis.

Me si fortè roges, quo me duce, quo lare tuter.

Quæis properem factis tempora conterere.

Principiò me lata fouent consortia Diuûm.

Mî cæli semper libera porta patet.

Et terras habitare datum, quacunq; bonorum

Floret honos, venio semper in ora virûm.

Sine quis a sanctos superum molitur honores.

Me sociam primis aduocat auspicijs.

Seu genus humanum factis illustribus ornat.

Nil gestum retur me sine, quisquis agit.

Non est, quod mecum quisquam contendat honore.

Sine apud ille Deos, sine apud ille homines.

Quo studio me cunq; sibi quis poscit amicam.

Adsum, nec renuo fida ministeria.

Me nocturna faber vigilans ad lumina querit.

Et melius mecum currere sentit opus.

*Me custode domum, & sanctos seruante penates,
Florentes natos educat ipse pater.*

Ipse ego praesideo famulis, operasq; reposco.

Ipse reposco operas sedula, blanda tamen.

Aurea pax terras perfudit diuite cornu.

Pacis ego solers carpere diuitias.

Mars venit, & pugna latè sonuere cruenta.

Nulla manus bello me prior anteeat.

Prima adsum socia arma ferens, me prima periculis

Offero, certa simul vincere, certa mori.

Canafides, nunciq; meo se corde receptant

Sensus, sola bonis letor amicitijs.

Neu me nulla putes solatia cedere ventri.

Accipe, quàm mensa dona beata mea.

Non tentat quemquam nostrum inclementior esca.

Nec variare cibos mica negotioli est.

Plebeijs fruimur, fruimur dulcedine summa.

Latranti stomacho quidlibet est volupe.

Latrantem sequimur stomachum, quod mella, quod

Lantitias vincit, vincit & artifices. (omnes

Suauius alma sitis puris se inuitat in undis.

Quàm vestra in toto nectare luxuries.

Ast suator somni nobis sudorq; laborq;.

O qualem vobis otia nulla dabunt.

Deserat

Deserat ille licet, serò veniatq₃ vocatus.

Non nos sollicitos lectulus asper habet.

Vel veniat, solitaq₃ artus aspergine tangat.

Interea occurrant quæ peragenda prius.

Non nobis abit inuitis, querulòsue relinquit.

Cedit sponte locum, tempore deinde redit.

Laude senum naui iuuenes se crescere gaudent.

Spektariq₃ volunt, deminuiq₃ timent.

At sanctos, meritisq₃ graues, annisq₃ verendos

Iustus honor iuuenum tollit in astra senes.

O quanta illorum perfundunt gaudia mentes.

Dum memorant aui fortia facta sui.

Nec minus interea maesti presentibus orsis,

Pertendunt senij vincere desidiam.

Dijs cari, pietate mera, & virtutibus almis,

Dilectiq₃ suis, rite patres patriæ.

Tandem fatalis quandò se admouerit hora,

Et veniet tenebris mors adoperta caput.

Non illos tellure premunt obliuia iniqua.

Quin durant sæclis innumerabilibus.

Illustresq₃ vehit sublimi gloria curru.

Et renouat famam sedula posteritas.

Histibi, care puer, fas est sine fraude potiri.

Care puer, magno de genitore sate.

*Hanc tibi fortunam, hæc rerum pulcherrima fata
Spondeo, tu meritis fac potiare tuis.
Dixerat, atq; illam lustrauerat aureus ignis.
Et circum radijs est redemita comam.
Tum verò Alcides totis ardere medullis
Visus, & ingentes pectore flare animos.
Quamprimùm monitis se se ut præberet honestis.
Virtutisq; iret totus in arbitrium.
Qualis ubi sonipes generoso semine cretus,
Ætatis robur sentit inesse sibi.
Nondùm fræna sciens, nondùm sessore notatus,
Ludere tantùm audax margine gramineo.
Si tuba terribilem sonitum procul ære canoro
Sustulerit, fixis sistitur auriculis.
Et pede pulsat humum, & vibratos contremittit artus.
Et marte attonitus tangitur horrissono.
Tum memorat. si Dina mei, si tanta cupido est,
Et mouet ætatis te pia cura mea.
Nulla mora est, te Dina sequor, tibi dedicor uni.
Suscipe tu vitæ lubrica lora mea.
At Dea deterior vultu perstabat iniquo.
Et noua quærebat conferere alloquia.
Ter conata manu iuuenem contingere, ter se
Subduxit toruo penè supercilio.*

Tandem

Tandem spreta abiit, Sylvasq; intrauit opacas.

Ille bona Diua iunctus erat lateri.

Æternūmq; eius mansit mancepsq; comesq;.

Eius erat uiuus, mortuus eius erat.

Donec sydereas fama penetrauit ad arces.

Nunc ubi felicem uescitur ambrosiam.

Thoma mea dulcis lepor, & tutela Camena.

Care puer, magni maxima cura patris.

Nunc mihi tu Alcides, nunc tu Iouis altera proles.

Tu quoq; mī fies nobilis hīstoria.

Jam tibi formosam molli lanugine malam

Cinget, non etas tarda venire solet.

Jam te constituet diuisa ambage viarum.

Sed tibi virtutis sola terenda via est.

Nil mortale tibi, nil fas spectare caducum.

Herculis exemplo iam modò pone gradum.

Ardua quā calo condit se semita, quo non

Aspirant viles, frigida corda, animæ.

Te decet ante omnes pulchra florere iuuenta.

Ante omnes quandò te bona fata fouent.

Te decet & magnos patris sperare triumphos.

O patris exemplis ingrediare viam.

Ille est virtutum norma, & certissima amussis.

Ante omnes ille est Amphitryoniadas.

*Eheu quàm crude planè immemor ille senectæ,
Immemor & morbos, immemor atq; famem.
Horrendumq; gelu, sæuos interq; triones,
Immemor & media tempora dira hyemis.
Dura expugnator circum castella sub armis
Nunc sedet, & vasto fulmine saxa ruit.
Defecere acresq; viri, feruensq; iuuentus.
Ille animis rigidum constabilit senium.
O Dij, qui magnos hominum curare labores,
Et iustis orsis ferre soletis opem.
Hoc nobis seruate caput, ne Sole remoto
Hoc tandem in tristes cuncta abeant tenebras.
Tu fili, factisq; refer, meritisq; parentem.
Non satis est claro sanguine te genitum.
Æquandum genus est virtutibus, i pede fausto.
Et tanto dignum te genitore proba.
Sed tibi post bellis aderit maturior ætas.
Tunc tu bella manu dexteriore petes.
Nunc te Musarum poscunt commercia, nunc tu
Redde aurem pulchris redde puer studijs.
Hic etiam inuenies vestigia magna parentis.
Hic etiam exemplis illius ire potes.
O quoties illum iuuenem miratus Apollo est,
Et petijt comites inter habere suos.*

quoties stupuere Dea, stupuere Camæna.

Atq; suam cessit Calliopea lyram.

Ille etiam vidit sapientum templa serena.

Tunc etiam peperit nomen in orbe sibi.

Nunc quoq; Musarum memorem se iactat alumnū.

Mars illum quamuis sanguinolentus habet.

Care puer, patris cupidus præcepta capesse.

Nil patris est tanti sanctius imperio.

Nimirum ille nihil ducit te carius uno.

Deceptum partem non volet ille suam.

Maxima quæ censet, quæ præclarissima credit,

Hæc iubet, his docilem te bone dede puer.

Seu pacem, seu bella geres, te Musa sequetur.

Musa beat calo, cetera mortis erunt.



Ex eiusdem Simonis Simonidæ
Odarum libro ★ ★ ★

THOMÆ ZAMOSCIO.

O D E.

S T R O. I.

Thoma, tu quidem nunc
Uesceris aui lenibus auris,
Matris unicus lepor,
Mentem nouellam lusibus
Laētans, neq̄ dūm sciens
Mærores curamq̄ seueram,
Ætatis ignorantij letus satis.
Tuus interea sator, in -
uictum sponte offerre periclis
Pectus audet, sanguineam procellam
Belli arcens patria à sua.

A N T I S T R O. I.

Aurea unde terras
Pax tegat, illi gloria surgat
Ad plagam volans poli.
Consuesce iam nunc acribus

Aurem

*Aurem domitare di-
ctis, & te tanto genitore
Dignum incipe gerere. non Deorum tu audias
Soboles melius, patre præ hoc,
Nec virtutum excelsius olim
Culmen ascendas, neq; letiorem
Fortuna inuenias sinum.*

E P O D. I.

*Quamuis auorum non tibi origines,
Cum ipso nomine condita Polono
Desint, vetustatis propage ab ultima.
Sed genitor tuus
Luce tanta fulgurat ante cunctos,
Præstinxe lumina omnium ut
Credatur, nomenq; tulisse
Zamoscium ad cæli domos,
Mortalium sortem exuperans, propior
Dijs, superum ingenia æmulus.
Age, fili, non tu speculum te ad
Splendidius potes exigere,
Quàm facta attentus seruans recolensq; pa-
rta pulcherima rerum, (rentis.*

S T R O. II.

*Fama quæ modò astris
 Æquat, opaca nocte teguntur
 Mox, iacentq; proruta,
 Nî obliuionis inuida
 Nubem, memor auferat
 Musa. huius si me quoq; suasit
 Arcum vocalem Parca verax tangere,
 Alacer tibi ego ambrosiam hanc
 Defundam non paupere dextra.
 Plenior tu olim cui, animisq; maior,
 Splendores releges tuos.*

A N T I S T R O. II.

*Limpidum per orbem
 Cæli, oculum si mittere tentem,
 Sole pulchrius nihil
 Venabor, in sudo die.
 Regum neq; glorias
 Inter, quicquam laude Bathorra-
 a, maius emicat meam circà chelym.
 Columen fuit ille & apex
 Summus rerum, quo auspice, virtus*

Arduum

*Arduum cælo caput efferebat,
Florebant cata pectora,*

E P O. II.

*ſabant feroces vulneribus viri,
Placebantq; ſibi hoſtium cruore.
Tuus ſed omnes inter exſtabat pater,
Dans radios procul.*

*Qualis ornus eminent inter ima
Dumeta. eum ſibi unicum
Rex florem decerpſerat, ex quo
Suos honores neſceret.*

Nec falſus illo præſidio vigit.

Seu fera munera militi-

a, ſeu pax incunda vocabat,

Ille acies quaterere armiſono

Horrore, ille animos legum frænare lupatis,

Blandus, ferreus idem.

S T R O. III.

Nomen ad tam amicum

Regis, humum prona venerare

Fronte. origo maxima

Veſtri ex eo fluxit boni,

D ij

Veſtra

*Vestra is decora omnia
In lucem produxit apertam.
Ignotus auri lateat in cassum nitor,
Manus artificis nisi so -
lers, ereptum carcere cæco,
Diuitum mensis, superumq; templis,
Grato munere dedicet.*

A N T I S. III,

*Vineres saluta -
re ô iubar, ô diuine Bathoreû,
Non Polonia hostium
Ludus foret, non Dacia
Quondam tua sat potens,
Nunc fortuna cheu pila, supre -
mis fluctuaret pressa tempestatibus.
Spoliata suo veluti
Nauis rectore, æquoris omnes
Fert minas, nudum latus, his, modò illis
Ægrè saucia cautibus.*

E P O. III.

*Spiris modò illam immanibus occupat
Draco ingens, aridè sacrum cruorem*

Pastus

*Paſtus tuum, & funeſta riſta latè hians.
Nec ſatis, impete
Se dedit noſtra ad ferus uſq; regna,
Gentesq; vicinas ruit.
Haud impune, haud linquet inultam
Peſtem hanc manus Zamoſcia.
Hic hinc mihi te, ô Die puer, memorem
Da, quibus ad mala tanta vi-
is ventum, ut lapſum ſimilem poſt
Cautior effugias, neq; tu-
am etatem temerè affligas tanti ad ſcopuli ietn.
Mœrens vulneris oram*

S T R O. IV.

*ſtius retracto,
Nam macula hæc infeſtat amicos.
Quandò deſinebat in
Terris diurnare ille Rex,
Dacis iuuenem ſuis
Reſtorem linquebat, ut eum
Poſitus tamen ſub optimis tutoribus
Ageret, melior quoad æ-
tas maturis ſurgeret annis.*

*Quandiuq₃ istis stetit institutis,
Pulchrè Dacica res stetit.*

A N T I S. IV.

*Sed reiecta postquam
Imperia, excussumq₃ senile
Est iugum, & licentia
Permissa percussoribus
Ferri, subito in bonos
Custodes deserviit ensis.
Hac porta (prò nefas) data est tetrìs malis.
Velut aggeribus maria
Ruptis, terras impete pleno
Occupant, letosq₃ boum labores
Vastis gurgitibus ferunt.*

E P O. IV.

*O quisquis istis consilijs modum
Præcinis, nimis ab nimis cruentum,
Non sentis, in tuum recasura hac caput.
Iustitia vigil
Cuncta figit longè oculus, suisq₃
Apprendit ansis noxios.
Dùm sanctis deflectere quæris*

Fluxam

*Flux am iuventam moribus,
Exoticis dumq̃ atteris opprobrijs,
Fortè tibi ut pateat via
Languentis vitam per inertem,
Tutior, ad saturandum animum
Sen dulcedine præda, sceptri siue rapina,
Idem vulnificus te*

S T R O. V.

*Ensis abstulit. te -
cum cecidit lectissimus unà
Flos virum, patres boni,
Fulmenta Dacia ultima,
Hausti exitio aspero.
Nam quis tum non credidit omnes
Nervos ruentis amputatos Dacia?
Iterumq̃ iterumq̃ tuam
Appello blanda venia aurem,
O mei regis genus, ô Bathoreû.
Utcunq̃ impia funera*

A N T I S. V.

*Excitata sunt abs
Te, tamen immunem fuerat par*

*Cedis atq; sanguinis
Servare fraterni manum.
Hoc fonte tibi malo -
rum venêre examina dira,
Facemq; Tisiphone adfuit quassans nigram,
Tua quæ furijs premeret
Fata infestis, stare loco nec,
Aut pati tutam sineret quietem.
Nam quisquis relegat tuæ*

E P O. V.

*Vita tot curipos, tot inania
Momenta, exilijq; cursum iniqui,
Rerumq; cæptarum refluxus irritos,
Dispiciat liqui -
dò, flagelli ultoris eam esse labem.
Tu Marte quamvis ferreo
Par primis victoribus ires,
Regumq; te alta affinitas
Bearet, istis præsidij tamen ad
Exitia usus es ultima,
Pænè ad vana insomnia felix.
Nunc tibi vix misera superest*

Libera

*Libera sola fuge latebra, obscuriq; recessus.
Dij recto pede fortu -*

S T R O. VI.

*nam tuam reponant,
Et placidi tandem aspiciant te.
Nec tibi, o sacrum caput,
O debite altioribus
Orsis iuuenis, suo
Quem Roma insignem colit ostro,
Tractare clauum Daciae ingratum datum.
Lachrymis oneror memorans,
Quam te indigna morte peremptum
Prædo periurus rapidè inuolauit.
Quod monstrum prius execrer ?*

A N T I S. VI.

*An dolos, quibus te
Perculit impurus veterator,
Prodiditq; victimam
Innoxiam immiti lupo ?
An punica iussa pel-
lacis, nexu regna vorantis
Viciniae ? an tuus peristi animis volens !*

Potio-

*Potiora minoribus au -
sus mutare, & quæ nihil ad te
Attinent, aris melior sacerdos,
Quàm regum solij capax.*

E P O. VI.

*Portum senectæ sit mihi tangere
Fleesa rate, naufragam iuventam
Turbo proteruus vexat insano mari,
Nec sapere aduenit,
Post nisi exhaustis varia procella.
Ille optimos cursus tulit,
Ætatis per lubrica, qui se
Duci manu admisit senum,
Modumq; fidis consilijs tenuit.
Die puer, tibi nam labor
Hic sumptus, te mens mea quærit.
Te licet & genus, & genitor,
Et gaze, et decorent rerû incrementa suprema,
Nec felicior olim*

S T R O. VII.

*Te sit unico alter,
Poscere nil præstantius à Dijs*

*Hanc tamen pòtes vicem,
Mortalium ut germen sumus,
Cunclis subeunda lex
Fati, serò ut patre carendum
Contingat hoc tibi, nec viros inter nisi
Positum, senij ipse satur
Linquat, tuto & collocet auro.
Jam tibi latis spolijs onustus,
Ultus perfida nomina,*

A N T I S. VII.


*Aduenit, tibi ista
Premia, mansuros tibi honores
Congerens. viden' virum
Quantus præt fama sonor?
Visas acies fugax,
Ille olim atrox, non tulit hostis.
Alienaq; affectans, suis agrè excidit.
Auidam cohibere sitim,
Et mensuram noscere habendi,
Magno opus dignū Hercule. sæpe dum umbras
Maiores inhiat procax*

Epo.

E P O. VII.

*Fames, dolosis ingemuit cibus,
 Et mala crepuit patens inani.
 Sed tecta, coniugemq̃, caram, prorsus ut
 Nullo adit ambitu?
 Ut Deum supplex veneratur aras!
 Accepta dona illis ferens,
 Incertum mansuetior, an fortior.
 Secudent perpetim,
 Quicumq̃, Diui te sibi conciliant,
 O iubar, ô columen meum,
 O lux sola, inniſce Zamoſcj.
 Te te ego ſæpe bona cumulans
 Affabor laude, & natis Helicone corollis
 Cingam tempora amica.*





6469
3

